



SIARAN AKHBAR

MEMORANDUM PERSEFAHAMAN DI ANTARA

**UNIT PERISIKAN KEWANGAN, AUTORITI MONETARI BRUNEI DARUSSALAM DAN
SUSPICIOUS TRANSACTION REPORTING OFFICE, COMMERCIAL AFFAIRS DEPARTMENT,
SINGAPORE POLICE FORCE**

Hari Sabtu, 26 Sya'aban 1439 bersamaan dengan 12 Mei 2018

1. Unit Perisikan Kewangan, Autoriti Monetari Brunei Darussalam (UPK, AMBD) telah menandatangani Memorandum Persefahaman dengan Suspicious Transaction Reporting Office, Commercial Affairs Department, Singapore Police Force (STRO) pada hari ini, 26 Sya'aban 1439 bersamaan dengan 12 Mei 2018.
2. Penandatanganan Memorandum Persefahaman tersebut telah disaksikan oleh Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam, dan Puan Yang Terutama Halimah Yacob, Presiden Republik Singapura, sempena Lawatan Negara Puan Yang Terutama ke Negara Brunei Darussalam.
3. Menandatangani bagi pihak AMBD ialah Yang Mulia Yusof bin Hj Abd Rahman, Pengarah Urusan, AMBD dan bagi pihak STRO, David Chew Siong Tai, Ketua Unit Perisikan Kewangan, STRO.
4. Melalui Memorandum Persefahaman tersebut, kedua-dua agensi bersetuju untuk bekerjasama dalam pertukaran maklumat perisikan kewangan yang akan membantu dalam siasatan dan pendakwaan pembersihan wang haram dan pembiayaan pengganasan. Penandatanganan Memorandum Persefahaman ini menandakan komitmen kukuh di antara kedua-dua agensi dalam memerangi aktiviti pembersihan wang haram dan pembiayaan pengganasan.
5. Memorandum Persefahaman dengan STRO merupakan yang keenam ditandatangani oleh UPK, AMBD. Memorandum Persefahaman yang telah ditandatangani sebelum ini adalah dengan Unit-Unit Perisikan Kewangan Malaysia, Indonesia, Korea Selatan, Bangladesh dan Cambodia.
6. Penandatanganan Memorandum Persefahaman bersama Unit-Unit Perisikan Kewangan lain adalah selaras dengan prinsip pertukaran maklumat Egmont Group, sebuah organisasi sejagat yang merangkumi Unit-Unit Perisikan Kewangan antarabangsa. UPK, AMBD menjadi ahli kepada Egmont Group pada bulan Jun 2014 manakala STRO telah menjadi ahli pada bulan Disember 2000.

7. Selain itu, penandatanganan Memorandum Persefahaman juga adalah salah satu langkah dalam melaksanakan pematuhan kepada piawaian antarabangsa berhubung pemberantasan pembersihan wang haram dan pembiaayan pengganasan, khususnya *Financial Action Task Force Recommendation 29*.

8. UPK, AMBD dan STRO, masing-masing, adalah agensi pusat di Negara Brunei Darussalam dan di Republik Singapura bagi menerima, memohon, menganalisa dan mengongsikan laporan transaksi yang mencurigakan dan maklumat lain berkaitan dengan pembersihan wang haram dan pembiayaan pengganasan.

Autoriti Monetari Brunei Darussalam

Date: 26 Sya'aban 1439/ 12 Mei 2018

Ref No: AMBD/COMMS/3